



№ 34

16 გორბობისზე 1914 წ.

მიიღება ხელის მოწერა

წლიური ფასი

≡ 5 მან. ≡

შოველ კვირეული საზოგადო-ეკონომ.




მიური და სალიტერატურო შურონალი

წელიწადი მესამე

ცალკე ნომერი 10 კაპ.

რედაქცია ლიაა 9-3 საათამდე.

მისამართი: თბილისი, გაბაევსკიი პერ. № 3 რედაქცია „კლდე“. დეპოშისა: თბილისი კლდე.



წმ. იოანეს ტაძარი.

ვ ა რ უ ა ვ ა.

- 1) ქალაქის თვითმართველობის სახლი.
- 2) ჭავჭავაძის სასახლე

1. მეთაური. 2. ომი და ქართველ-სომეხთა ურთიერთობა. 3. ზენსექტივები. — მხელა-
 რისა. 4. ფაუსტ — ა. შ-ისა. 5. ზრესა. 6. ოსმალეთის სასამხუეთოს ბედი. 7. უნჯაური
ს ა რ ჩ ე ვ ი: 8. ცოცხალი ლეკები. — ქართლელისა. 9. მასალები სამედიცინათა კრები-
 სათვის. — მკვიდრისა. 10. გერმანელთა ოცნებანი. — დიოგენ-სა. 11. ბაკანეთის საკითხი.
 12. ჩუენი დაჭრილები. — ნაცარასი.

**თბილისი. 16 გიორგობისთვის
 1914 წ.**

წარსულ კვირას არ დასრულდა ქ. შ. წ. კ. გ. საზოგადოების კრება. შესაძლებელია, დღესაც არ დასრულდეს, მაგრამ საზოგადოება დინჯად და დარბაისლურად უნდა სჯიდეს ყოველ საკითხს. რომ აჩქარებით და წინანდებურის მიფუჭეხებით არ შე-
 ლახოს პატივისცემა იმ დიადი მიზნისადმი, რომელსაც ემსახურება ყველასაგან საყვარელი დაწესებულება. საკმარისი არ არის ეხლანდელი გამგეობის გატარება კრიტიკის ქარცეცხლში, საკმარისი არ არის საყვედურები, თუნდაც მეტად საფუძვლიანი, თუ ყველაფერი ძველ წესზედ დარჩება და არსებითი ცვლილებანი არ იქმნა შეტანილი ამ საზოგადოების ორგანიზაციაში. წარსულ ნომერში ჩვენ უკვე გვქონდა ბაასი იმ ძირითად ცვლილებათა შესახებ, რომელიც აუცილებლად სჭირია საზოგადოებას და დღეს მარტო ერთი და უნდა დაუმატოთ, რომ შეძლების დაგვარად გავფანტოთ ის ბურუსი, რომელსაც ახვევს საგანსა ვინმე ბატონი ჯაფარიძე „სახ. ფურცელში“. „სახ. ფურც.“ კვლავ უთმობს ადგილს ისეთ წერილს, რომელიც გამგეობის ოფიციალურ დაცვას მოგვაცნობს, თითქო საზოგადოებაში მართლაც ყველაფერი თავის რიგზედ კეთდებოდეს. ჩვენ არა გვსურს კამათის გამართვა ამ საკითხზედ, რადგან ყოველმა გულწრფელმა ადამიანმა რომ გულზედ ხელი დაიდოს და მართალი სთქვას, უნდა აღნიშნოს დღევანდელი უმწეო მდგომარეობა საზოგადოებისა. ჩვენ გვესმის, რომ საყვედურებით და დამნაშავეთა გამოძებნით საქმე არ გამოსწორდება, მაგრამ აუცილებელი საჭიროება მოითხოვს — შეიცვალოს ის პირობანი, რომელნიც აყენებენ საზოგადოებას ამ უმწეო მდგომარეობაში. ამ პირობათა გარდაქმნა პირველი მოვალეობაა ყოველი გულწრფელი ქართველისა და მათი მიჩქმალვა წუწუნით, რომ „ქართველ საზოგადოებაში 2 — 3 თუ მოიძებნება გამგეობის შესაფერიო“ — ტყუილუბრალო სიტყვების ხარჯვად. შესაფერი ხალხი ბევრია, იქნებ ეხლანდელთა შიგნით, მაგრამ ისეთ პირობებში უნდა

იყვნენ, რომ საქმის პატრონობა შეეძლოთ. უნდა სამუდამოდ განიდევნოს ის დახასტებული აზრი, რომ წ.-კ. გ. ს. საქმე მარტოდენ საქველმოქმედო და საპატიო არის. იგი დიდი ეროვნული საქმეა და საქმეს ყოველივე მოსაქმენი უნდა ჰყავდეს, ნამდვილი მუშაკნი. მაშ მოუწოდებთ კრებას, არჩვენებშიაც იხელმძღვანელოს მხოლოდ ერთი მოტივით, რამდენად შეგნებული აქვს ასარჩევ პირს თავისი მოვალეობა და რამდენად შეუძლიან ეს მოვალეობა შეასრულოს.

**ომი და ქართველ-
 სომეხთა ურთიერთობა**

ომამდე ყველამ კარგად იცის, რა უთანხმოებანიც იყო ქართველ-სომეხთა შორის. ამ უთანხმოებათა ფორმები და მათი დახასიათება სხვ-და-სხვა სახეს იღებდა ეამთა ვითარებაში და რომ ნათელყოთ დღევანდელი მოსპობა ამ უთანხმოებისა, საჭიროა ზოგიერთი მათგანი მოვიგონოთ.

ბ-ნ იშხანიანის და უკანასკნელად გამოსულ „Кавказский журналист“ (ს*) თანამშრომლის აზრით, ქართველ-სომეხთა ურთიერთობას ის გარემოება შობს, რომ ირღვევა ქართველთა რეაქციონური ფეოდალური წესწყობილება, რომ ადგილი დაუთმოს სომეხთა პროგრესიულ-კაპიტალისტურ ხანას და ამ ბურჟუაზიისა და ფეოდალების დეაში სკლილობენ ჩაითრიონ ქართველი და სომხური დემოკრატია არამკითხვ მოამბეებმა; ჩაითრიონ ის ხალხი, რომელსაც არსებითად უნდა მეტად აინტერესებდეს კაპიტალიზმი, ვიდრე ფეოდალიზმი. ჩვენ აქ არ შეუდგებით კრიტიკას იმ ყალბი დებულებისას, ვითომც ეროვნულს მომენტს არავითარი მნიშვნელობა არა

*) ეს ნომერი გამოვიდა ამ ერთი კვირის წინად, როცა ფუქს აგროგებდნენ დაჭრილთათვის.

აქვს ამ დავაში და მთელი საკითხი იშრიტება განსაკუთრებით წოდებრივ და კლასობრივ ბრძოლით; ამაზედ აღარაფერს ვიტყვი, რადგან ჩვენი მკითხველი უკვე იცნობს ჩვენ აზრს ბ.ნ. იშხანიანის წიგნის გარჩევიდან.

მეორე სადაო საკითხია ტერიტორიის საკითხი, რომელიც უკანასკნელ დროს სხვა-და-სხვა პირობების ზეგავლენით ეკარგება ქართველობას და გადადის უცხოელების ხელში, ნამეტნავად სომხებისა, როგორც უფრო შეძლებული ელემენტისა ამიერკავკასიაში

მესამე და ყველაზედ მწვავე საკითხი ჩვენს შუა სადაო, საკითხია პოლიტიკური. უკანასკნელი, რასაკვირველია, ბევრი მიზეზის გამო, ეფარება ეკონომიურ-სოციალურ საკითხებს, იღებს ისეთ უცნაურ ფორმებს, როგორც მაგ. პოლიტენიკუმის საკითხი, გუბერნიების გადამიჯვნა, რეალური მოსახლეობა და სხ. და სხ.

მაგრამ ყველა ეს საბაბები ქართველ-სომხთა უთანხმოებისა, დღევანდელი ომის და მისგან გამოწვეულ პოლიტიკურ-სოციალურ ცვლილებათა მოლოდინის სიდიადემ შთანთქა, დღეს არ ისმის ლაპარაკი კავკასიაში რეალურ მოსახლეობაზედ, არ იზომება არსებულ გუბერნიების საზღვრები და სხ., რადგან დღევანდელი საერთო ვასპირი მეტად დიდია, რომ აღნიშნულმა „წვრილობმა“ მიიქციონ ყურადღება, მაგრამ მაინც საჭიროა გაუზიაროთ ერთმანეთს ჩვენი ზრახვანი, რომ გაუგებრობით არ გართულდეს შემდეგში ჩვენი ურთიერთობა.

სომხური პრესა უკანასკნელ დროს თამამად აყენებს ერთ ფრიად საგულისხმო საკითხს: ოსმალეთის სასომხეთოს განთავისუფლებას. ეს პოლიტიკური ლოზუნგი თითქმის მთელ სომხობას აერთიანებს მიმართულების განურჩევლად. ზოგიერთ უთანხმოებას იწვევს მხოლოდ კონკრეტული ფორმა ამ თავისუფლებისა: ზოგს სურს ავტონომია რუსეთის პროტექტორატით, ზოგს კიდევ ავტონომია დიდ სახელმწიფოთა გარანტიით; ზოგმა ისიც კი სთქვა, რომ რუსეთის სახელმწიფო სახლს ბევრი ჰყავს უფლისწული, რომელსაც სომხეთის ცალკე პრინციობა შეეძლო და სხ. და სხ. ყველა ეს და ბევრიც სხვა

სურვილი ჯერჯერობით მხოლოდ საგაზეთო სურვილად რჩება იმისდა მიუხედავად, რომ რუსეთის პრესაც ეხება ამ საკითხს და ასე თუ ისე ამხნეებს სომხებს თავისუფლებისათვის თავის განსაწირავად. რაიმე რეალური, პოლიტიკური თამასუქი ან თუნდა დაპირება მაინც, სომხებს ჯერ არა აქვთ—ყოველ შემთხვევაში ჩვენ არ ვიცნობთ—და ძნელია ლაპარაკი იმაზედ თუ სინამდვილეში რა სახეს მიიღებს სომხების დღევანდელი მისწრაფება. არიან მაგალითად ისეთებიც (რუსებში და სომხებშიაც), რომელნიც უბრალო შემოერთებაზედ ლაპარაკობენ ოსმალეთის სასომხეთოსი რუსეთთან.

მაგრამ საკმარისი არ არის ვისმე რამე სურდეს, თუნდაც ეს ვინმე მთელი ერიც იყოს, რომ ეს სურვილი რეალურ სახეს მიიღებდეს,—ამისთვის საჭიროა გარდა შესაფერ პირობებისა, და მათი ღრმად აწონ დაწონვისა,—საკუთარი უნარი და ძალაც მის მოსაპოვებლად. აი სწორედ ამ ძალაზედ და პირობებზედ გვიანდა შევჩერდეთ ცოტა, რომ შემდეგში გაგვიადვილდეს ახსნა იმ მოვლენათა, რომელნიც გავლენას იქონიებენ კავკასიელ ერთა ურთიერთობაზედაც.

სომხეთის ავტონომია ოსმალეთში ფრიად საინტერესო იქნებოდა, ნამეტნავად ქართველებისათვის, რადგან ესეთი მოწყობა სომხეთისა ერთის დაკრით გადასჭრიდა ჩვენი ურთიერთისადმი უკმაყოფილებასაც, ვინაიდან განცალ-ცალკეედებოდა სფერო ჩვენის ცხოვრებისა: სომხებისათვის რეალური და მთავარი ბაზა გადავიდოდა ბუნებრივად ესლანდელ ოსმალეთში და ჩვენ, ქართველებს, აღარ დაგვიკრებოდა გაფანტვა იმ უცნაური სახელწოდებისა, რომელსაც დაჟინებით იმეორებენ უკანასკნელ ხანებში სომხები: **კავკასიელი**. „აღარ უნდა იყოს ქართველი, სომეხი, მუსულმანი, არამედ კავკასიელი“, იმეორებენ დოღუხანოვები, ხატისოვები, და სიბირსკებიც... (ეს მით უფრო უნდა უნდა დღეს, წაფა მთელ ქვეყნიერებაზედ იმარჯვებს სწორედ ერთი-ნული ზრინციზი და ვუკლანი, მათ რიცხვში სომხებიც განსაკუთრებულ ყურადღებას აქცევენ ერთგებას, ეს... აქ კი შეთხზულია რაღაც „კავკასიელი“).

მაგრამ შესაძლებელია თუ არა განხორციელე-

ლება? სომხეთის ავტონომიისა ოსმალეთში? ჩვენს აზრით, ამისათვის, გარდა ოსმალეთის დამარცხებ-განაწილებისა, საჭიროა ერთი უმთავრესი პირობა, რომელსაც მოითხოვს ხალხე რეალური პოლიტიკა: მოსახლეობის ერთგვარობა. ეს უკანასკნელი კი თვით სომხურ ოპტიმისტურ ცნობებით არ აღემატება „სომხურ“ ვილაიეთებში 38 პროცენტს. მართალია, დანარჩენი მოსახლენიც ცალ-ცალკე არ წარმოადგენენ უმრავლესობას, მაგრამ დღევანდელი საერთაშორისო პრინციპების მიხედვით, რაც უნდა იყოს, არავინ მოინდომებს დაუმორჩილოს 38 პროც. სომეხს დანარჩენი 62 პროც., თუნდაც უკანასკნელნი სხვა და სხვა ეროვნებისაგან შესდგებოდნენ; და თუ მხედველობაში მივიღებთ იმასაც, რომ ნამდვილში სხვა ერები 62 პროცენტსაც აღემატებიან, საუბედუროდ სომეხთა ოცნებანი პოლიტიკურ ოცნებადვე დარჩებიან, რასაც საქმის რეალური მსვლელობაც ამტკიცებს. მაგრამ თუნდა ესეც არ იყოს, საჭიროა სომხების მომზადებაც ასეთი პოლიტიკური ორგანიზაციისათვის, ვინაიდან გაზეთების საშუალებით ავტონომიის დაპირებაზედ და მოპოებაზედ ადვილი არაფერია... ნამეტნავად მაშინ, როცა მთავრობა ამის ნებას გაძლევს. საკმარისი არ არის ისიც, რომ „სომეხთა უმოწყალო ქლევთა საკმაო მსხვერპლია იმისთვის, რომ სომხები ავტონომიის ღირსად ჩაითვალოს“. ესეთი სიტყვები პოლიტიკურ ლექსიკონში გულუბრყვილობად ითვლება. პირიქით, სომხების ქლევთა რომ არ შესძლებოდათ ოსმალებს, მაშინ სომხების ავტონომია ბევრად უფრო მოახლოვებული იქნებოდა. აი ამიტომ ჩვენ გვესმის, როდესაც სომხების თავისუფალ მოხალისეთა რაზმები სდგება აქ, კავკასიაში, და ოსმალეთში, რომ წინააღმდეგობა გაუწიონ ქლევას, მაგრამ პოლიტიკურ სიბეცედ უნდა ჩაითვალოს ამავე დროს წამოყენება იმ საბუთისა, რომ სომხებს ხოცავენ ოსმალეთში. ამას იმიტომ ვამბობთ, რომ ქლევთა, მათი უძღურების მაჩვენებელია, და უძღურებას, პოლიტიკაში საბუთად არა ხმარობენ არასოდეს. ან საიდან უნდა წარმომდგარიყო სომხების ძლიერება, როდესაც საუკუნოებით სდევნიდნენ მათ. საუკუნოების განმავლობაში შეიქმნა ტიპი სომეხ ვაჭარისა, რომელმაც

შეიძინა ეკონომიური კეთილდღეობა, მაშინ როდესაც დიდი მასსა სომხის ერისა სიღარიბესა და საცოდაობაში ლევს სულსა ოსმალეთშიც და კავკასიაშიაც. ამასთანავე მართო ეკონომიური ძალა საკმაო არ არის პოლიტიკური ორგანიზმს ს შექმნისათვის, რომელიც თანაბრად მოითხოვს ფინანსიურ ეკონომიურს და აგრედვე ფიზიკურ ძალთა სიძლიერეს. უკანასკნელის მხრივ კი სომხის ერში ვერ შეიქმნებოდა საჭიროა ჯამი, რადგან მისი შექმნა რამდენიმე თაობის და ათი თაობის ცხოვრებაზეა დამოკიდებული. სომხის ერი, რომელიც უკანასკნელ საუკუნეების განმავლობაში განიცდიდა პოლიტიკურ დაცემას და მისდევდა განსაკუთრებით მიწად-მოქმედებასა და აღებ-მიცემობას, ბუნებრივად ჰკარგავდა სამხედრო უნარს, რომელიც მაგალითად შერჩათ თუნდა ქართველებს. ეს ბუნებრივი განსხვავება დღესაც ყოველ მხარეს იჩენს თავსა და ამიერ კავკასიის მმართველობაც კი შეიყვანა შეცდომაში, როდესაც მშვიდობიანობის დროს გამოჩენილი უპირატესობა, ომიანობის დროსაც უნდა გამოეჩინებინა სომხებისათვის. ახლა ვიფიქროთ, რითი დაიცავენ სომხები თავი ავტონომიას, თუნდაც მიიღონ იგი? პოლიტიკურ ორგანიზმის დაცვისათვის საკმაო არ არის ფული და თუნდაც საკმაო იარაღი — საჭიროა იარაღის თავგანწირული მატარებელიც და სწორედ ამას ვერ ვხედავთ საკმაო ფარგლებში განვითარებულს, რასაც უკანასკნელი დროის ამბები ამტკიცებენ.

ამ გვარად, ის, რაც მთელ სომხურ პრესას ჩვენც სასურველად მიგვაჩნია, ფაქტიურად შეტად ძნელი განსახორციელებელი იქნება, ამიტომ უნდა ვიფიქროთ, რომ სომხების საკითხი უფრო მარტივად და ქართველ-სომხების ურთიერთობისათვის არა სასურველად გადასწყდება და ოსმალეთის სომხეთს თუ რუსეთსა გაიმარჯვება, პირდაპირ შემოერთებულ იქნება. უკანასკნელი კი ომის შემდეგ უფრო ცხად უნდა ჰყოფდეს ჩვენ მიწა-წყალთა შუა სადემარკაციო ხაზის გავლენას. მაგრამ ამაზედ შემდეგ იყოს.





ოსმალეთში მოქმედი სომეხთა რაზმელების ტიპები.

ჰერსჰეიტივები

ზოგს შეიძლება პარადოქსადაც ეჩვენოს, რომ საერთაშორისო ომი მხოლოდ იწყება და კი არა თავდება, მაგრამ ღრმად თუ ჩაუკვირდით იმ ამბებს, რომელიც განუწყვეტლივ მოაქვს ტელეგრაფსა და გაზეთებს—ამის გამოაშკარავება არც ისე ძნელია. თუმცა ომის დასაწყისში ბევრსა სწერდნენ იმაზედ, რომ გერმანიის შიმშილი და ეკონომიური კრიზისი უშალ დასცემს, ვიდრე მოკავშირეთა ჯარები დაამარცხებნო, მაგრამ თვით მისი მტრების მსოფლიო ბანაკებიდან დაჟინებით მეორდება ის აზრიც, რომ ის ქვეყანა, რომელიც ორნოცი წლის განმავლობაში ემზადებოდა სწორედ ამ ომისათვის—საკმაოდ მოემზადა **ყოველმხრივ** რომ ომის ხანგრძლივობასაც გაუძლოს.

ექვი არ არის, საბოლოოდ გერმანია დამარცხდებული იქნება, თუ მსოფლიო ძალთა დღევანდელი განაწილება ამავე პროპორციით დარჩა, ან უმეტეს, თუ მოკავშირეებს, როგორც მოსალოდნელია, სხვანიც მიემატენ; მაგრამ არ უნდა დავიწყოთ მთავარი დებულება, რომ დღევანდელი მეტროპოლი და არამეტროპოლი სახელმწიფონიც განსაკუთრებით თავისი კერძო, ეგოისტური მოსაზრებიდან გამოდიან და მაშასადამე მათი ძალთა ზრდა დამოკიდებულია არსებულ სტრატეგიულ მდგომარეობის ვითარებაზედ. ვინც გამარჯვებით ივლის, მისი ძალაც გაიზარდება შიგნით და გარეშეთაგანაც,

რადგან მხოლოდ გამარჯვებულის მიმბრობა, მომასწავებელია მომავლის მოგებისა, გარეშე მდგომ სახელმწიფოთათვის. მართალია, აქ როლს თამაშობს უფრო ეგოისტური მოსაზრებაც: სერიის ყურება, ვიღრე მოწინააღმდეგენი ერთმანეთს დაასუსტებენ საბოლოოდ, მაგრამ ესეთი პოლიტიკის წარმოება მხოლოდ ისეთ დიდ სახელმწიფოთ შეუძლიანთ, როგორც მაგ. შეერთებული შტატებია. ბულგარეთი, რუმინია, ავღანისტანი, ჩინეთი და თვით იტალიაც მხოლოდ დროს უცდიან, რომ ჩაერიონ ომში და იხელთონ რამე.

რალა თქმა უნდა, ისეთი დიდი სახელმწიფონი, როგორც არის ავსტრია და გერმანია ერთის მხრით და რუსეთ-ინგლის-საფრანგეთი, მეორეს მხრით—ადვილად არ დაჰყრიან იარაღს და მართლაც საბოლოო გამარჯვებაზედ იბრძოლებენ მსოფლიო ბატონობისათვის. ამიტომ ეს ბრძოლა შეუძლებელია თავისითაც მალე გათავდეს, მაგრამ მის გაგრძელებას უეჭველად გამოიწვევს სხვა სახელმწიფოთა ჩარევაც. ყოველ ეას, ყოველ სახელმწიფოსა აქვს პროგრამა მაქსიმუმი, რომლისათვისაც ის ემზადება, თუ პოლიტიკური ალლო აქვს და არასოდეს ისეთი დრო არ დასდგამია ქვეყნიერებას, როგორც ეხლანდელი, საესე ყოველგვარი შესაძლებლობით, აი ეს შესაძლებლობაა თავდები იმისა, რომ ომში ჩაუთრეველი არ დარჩება დღეს და ხვალ თუ არა, ზეგ მაინც, დანარჩენი ქვეყანაც. ბულგარეთი, რუმინია, პორტუგალია, საბერძნეთი, იტალია და სხ. ხომ უკვე დაჭიმული ნერვებით ადევნებენ თვალყურს ომის მსვლელობას, რომ იმავედ ფეხი გამოყონ და შორეული შტატები, ჩინეთი და ავღანისტანიც ჰაერსა ჰყნოსავენ—ჩვენთვისაც დადგება ომში ჩარევის დრო თუ არაო. ასეთ განწყობილებას ართულებს და ამწვავებს ათასგვარი სხვა ინტერესებიც, რომელთა ზეგავლენით ამერიკა ეკონომიურ კრიზისს განიცდის, ჩინეთში აჯანყებას ელიან, აფრიკაში უკვე ხდება კიდევ და სხ. და სხ.

ერთი სიტყვით დღევანდელი ომი, თავისი უდიდესი და უსასტიკესი ბრძოლების მიუხედავად, მისი თვალუწვდენელი ფრონტების და უთვალავი ჯარების მიუხედავად—მხოლოდ დასაწყისია უფრო დიდი მსოფლიო ტრაგედიისა, რომლის მოწამენიცა ვხდებით.

ამ დიად ტრაგედიაში, საცა იმსხვრევა კატასტროფიულად ყოველი წინანდელი კულტურა და იდეალი, რომ ახალს დაუთმოს ადგილი, ძნელია გათვალისწინება მომავლისა, მაგრამ აღდამიანს

გონებას ერთი და აზოშმინებს, რომ მთელი ამ ტრაგედიის მსვლელობიდან, ყოველ კუთხეს მხოლოდ თავისი ზომის მსხვერპლი მოელის უკეთესი მომავალისათვის. აზოშმინებს ის ობიექტიური და იმავე დროს ეგოისტური ფსიხოლოგია, რომ ქვეყნის ნგრევის კატასტროფიდან, მას უწევს მხოლოდ ის, რაც მის საკუთარ კიდევბზედ მოხდება. აზოშმინებს ისიც, რომ იმედი, მანათობელი ცხოვრებისა, ეხლა მხოლოდ კარგს უქადის კაცობრიობას, რადგან უაღრეს მსხვერპლს, ადამიანთა სიცოცხლისას, უაღრესად მაღალი ჯილდოც უნდა ელოდეს მერმის.

მხედარი.

3. გიოტი.

ფ ა უ ს ტ *)

ტრაგედიის პირველი ნაწილი

(დამკა, ერთს ძველებურს და გოტიურს ოთახში მავიდის წინ საფარძელში ფაუსტ მოუყვენად ზის).

ფაუსტ. ეჰ, შევისწავლე ფილოსოფია, კანონმდებლობა და მკურნალობა, აგრედვე დიდის, მხურვალე ჯაფით ჩემს სამწუხაროდ ღვთის მეტყველობა, მაგრამ, ვაი, რომ დავრჩი საბრალო კვლავ უგუნური ბედკრულ დღიანი, ვით უწინ ვიყავ, ეგრევე ქვიანი! მცნობენ მაგისტრად, მცნობენ დოქტორად, ხარისხი ჩემი ესრე მდებია და მოწაფენი წაღმა-უკულმა ჩერჩეტად ათს წელს მიტარებია და მხოლოდ ვხედავ ჩემს სავალალოდ არაფრის ცოდნა არ შეგვძლებია! აი, ეს სტანჯავს ჩემს გულს, გონებას! აი, ეს უსპობს სულს მოსვენებას! მე თუმც ვჯობივარ სხვა სულელებსა: დოქტორებს, მწერლებს და ხუცესებსა, არცა მაწუხებს ეჭვი და რყევა, არც ვუკრთი ქვესკნელს, არც ეშმაკებსა— მისთვის წარელტო გულს სიხარული,

შეგება შეიქმნა ჩემთვის დანთქმული! ფიქრად არ მომდის, არც მომაქვს თავი, ვითომც შემეძლოს რამის სწავლება კაცთა ცხოვრების მოსაგვარებლად, სიმართლის გზაზე დასაყენებლად. არ მაქვს სიმდიდრე, არცა ქონება, არცა პატივი, არცა დიდება, ვარ მოკლებული ამა მსოფლიურს მედიდურობას და ბრწყინვალებას! არც ერთი ძალი არ ისურვებდა ასეთ ყოფაში კიდევ ცხოვრებას! მიტომ დავიწყე შემდეგ მისნობა ეგების მანე სულთა შეწევნით იმათის ძალით, იმათის ენით ზოგ საიდუმლოს მიმელო ცნობა, რომ აღარ შეთქვა კვლავ ოფლის დენით რაც არ ვიცოდი, არცა მესმოდა და არცა რამე გამეგებოდა. რომ განმეჭვრიტნა, თუ ამ სამყაროს წილდ შინაგან რა აკავშირებს, შემეგნო ძალა შემოქმედისა და დავხწევოდი მე ფუჟსა სიტყვებს!

ახ, ნეტამც მთვარევე, პირბადრო მთვარევე, მეგ შუქთა კრებას უკანასკნელად ჰფენდე ჩემს ტანჯვას და მწუხარებას, როს მე მრავალჯერ შუალამენი გამიტეხია აქ ამ წიგნებას და ქალაღლებში ჩაფლულისათვის შენ, თანავრძნობის ნალვლით აღსავსევე, გამოჩენილხარ და შუქი ჩემთვის მოგიფრქვევია! ახ, რომ შემეძლოს მთის წვერვალამდის მე ამაღლება, მეგ შენს საყვარელს ბრწყინვალე შუქში შემოერთება, რომ მაღლა მყოფსა სულებთან ერთად ლაღად მეფრინნა და შანს წალკოტში ეამსა ბინდისას შეგებით მეღხინა, რათა ყოველგვარს ცოდნისა ბურუსს მთლად განყვრილიყავ და ჩემს საამოდ შენს ციურს ნამში განვზანილიყავ!

ვაგლახ! კვლავ დავყო მე ამ დიდღეში? ყრუ და დაწყევლილს საპურობიღეში?

*) თარგმანი გერმანულიდან, ა. შანშიაშვილისა.

სად თვით საამო სხივი ციური
 ფერად სარკმლიდგან ნაღვლით მინათებს,
 შემოვზღუდულღვარ წიგნთა გროვისგან,
 რაიც რჩენიათ საღირდნათ მატლებს
 და შემქვართლული ძველი ქაღალდი
 ფარდად აკვრია მათ მაღალს თახჩებს.
 შუშის ქილები შემომქვირებით,
 კედლები საესე ხელსაწყობებით,
 ჩემსა გარშემო მამა-პაპური
 სახლის სამკობი ავეჯი ძველი;
 აი, ეს არის შენი სამყარო!
 ეს არის შენი წუთი-სოფელი!

და ამის შემდეგ კიდევ კითხულობ
 თუ შენი გული რად იხუთება?
 სიცოცხლისადმი მიდრეკილება
 უცნობის ტანჯვით რად იბორკება?
 ბუნების ნაცვლად, სადაც შემოქმედს
 ადამიანი მოუქცევია,
 შენ, ჩამხრჩვალს კვამლში და სიღამპლემში,
 სიკვდილი, ნორჩი გარს გახვევია!

აღზდექ! გაფრინდი ფართო მდებლოსკენ,
 მიიღე ღზენა, სიტკბო შეგებისა!
 განა არ კმარა გზის გასაკვლევად
 ნოსტარდამუსის წიგნი გრძნებისა?
 მაშინ შეიცნობ ვარსკვლავთ მსვლელობას
 და როს ბუნება ზეშთავაგონებს,
 ძალა სულისა ზემამაღლებდა
 და ვით საუბრობს სული სხვა სულთან
 მას შეიგონებს.
 ანაოდ ჰფიქრობ, მშრალი გონება
 წმინდა ნიშნისა იყოს ამხსნელი;
 თქვენ, ჰეი, სულნო, ჩემსკვე მოფრინდით!
 აწ მიპასუხეთ, თუ გესმით ჩემი!

(ჭხსნის წიგნს და მკარაჟსმუსის ნიშნის უმზერს)

ვიში რა სიცოცხლემ გადმოსჩქეფა ამ სანახავში
 და მან პირველად გაირბინა ჩემს გონებაში!
 ვგრძნობ ახალგაზრდურს და ღვთაებრივს სი-
 ცოცხლის შეგებას,
 რაიც ძარღვებში ამღინარებს მხურვალე გზენ-
 ბას.

ეს ღმერთი იყო, ვინც დახატა ესე ნიშანი,
 რითაც მიყუჩდა შინაგანი სულის ღელვანი,
 საბრალო გული სიხარულით, შვებით იესება
 იღუწალობით საესე ლტოლვით და მისწრაფებით

ბუნების ძალას მისგნით ირგვლივ ფარდა ეხ-
 სნება
 ღმერთი ვარ განა? ჩემთვის ახლა ყოველი
 მნათობს!

ვხედავ ამ სპეტაკს სანახავში სულის წინაშე
 ბუნება იგი შემომქმედი ჩემთვისა ცხადობს
 და აწ პირველად შევიგენ თუ ბრძენი რას
 ამბობს:

„სულის სამყარო უსაზღვროა და მარად ხსნილი,
 „აზრია შენი დახშული და გული კი მკვდარი!
 „აღზდექ, მოწაფე! განიბანე ცისკრის სხივებში
 „ეგ მიწიური მკერდი შენი მოუსვენარი.

(გამოსახულებას აკვირდება)

როგორ ყოველი მთლიანობას მიესწრაფება,
 ერთი თავს ჰბადებს მეორეში, სიცოცხლე
 ჩნდება.

ცის ძალნი როგორ ემხოზიან, კვლავ ზესდგე-
 ბიან

და ოქროს ჭურჭლად მთელს სამყაროს მიეწ-
 ვლებიან,

კურთხეულ სუნთქვით ციდან მიწას ემსჭვალეზიან
 და ხმაშეწყობით ყველაფერში ხმაურდებიან!
 რა თამაშია? მაგრამ ვაგლახს მარტო თამაში?
 შენ, უსაზღვროო ბუნებაო, მოგაგენ რაში?
 სად გაქვს გულ-მკერდნი? შენი წყარო ცხოვ-
 რებითია!

ცა და ხმელეთი სულდგმულობს და მასზე
 ჰკილია!

იქით ეს გული, მქნარი გული მოისწრაფება,—
 ის ავსებს სოფელს, ის ანახლებს, მისით ირ-
 წყვება!

იქით ვისწრაფვი, მაგრამ ვაგლახ, მე ღრმა
 სურვილი

ამაო ნატვრად სატანჯველად გულშივე მრჩება!

(მუხისკეპებით ჭმლის ფურცელს და მიწის სუფს
 ატყუარდება).

რარიგ გარდამქნა ამ სხვა ხატება!

შენ, მიწის სულო, უფრო ახლო ხარ!

ვგრძნობ, ჩემი ძალა თავს იწვევს მაღლა.

ვენთები, თითქოს ღვინით დავმთრალავარ!

ვგრძნობ გულადობას, რომ სამყაროს გავუთა-
 მამდე,

აწ მზად ვარ ვზიდო სოფლის ტანჯვა, სოფ-
 ლის სიამე,

მძაფრსა გრიგალსა შევებრძოლო, თავსა ვსწი-
 რაფდე
 და დანთქმის ქამსა არ გავივლო შიში, ძრწო-
 ლა მე.

მთვარე ღრუბლებს ეფარება—
 ჩემს გარშემო იბურება—
 ლამპარც ჰქრება—
 რა ხმაურდება?
 წითლად სხივებმა იელვეს თავზედ!
 ჯურღმულით მოშუხის გრიგალი საზარი,
 შემიპყრო გლახ შიშმა და დამცა თავზარი.
 ვგრძნობ, სულთ მქროლავო, ჩემს ირგვლივ
 უნდა ხარ!

გამოჩნდი!

ჰა! რარიგ ჩემს გულში ბორგავს და მაშფო-
 თებს.


მთლად ახალ გრზნობისკენ გონება მიტაცებს.
 მთლად ჩემი ეს გული აწ შენით იმსკვალვის
 შენ უნდა გამოსჩნდე? შენ უნდა გამოსჩნდე
 თუნდაც რომ ეს ხილვა სიცოცხლედ მიღირდეს!

(ხელში ჰბეჭუჯავს წიგნს და იღუმაღობით აღვსილი სე-
 სულის ნიშანს აშობს. წითელი ალი იელვებს და გა-
 შიანდება სესუელი).

ა. შ.

(შემდეგი იქნება).

ნა:




ბელგიელების ტყვის მფრქვეველები, რომელშიაც ძაღლები ჰყავთ
 შებმული.

შ რ ე ს ა

6 გიორგობისთვის ნომერში გაზ. „ნოვოე
 ვრემია“-ს მეთაური წერილი შევებება გერმანიისა-
 გან ვითომ და გაუთავებელ ცდას, რომ რომელიმე
 სამტროდ გამოსულ სახელმწიფოსთან ცალკე ზავი
 ჩამოავდოს და ამ ცდას „ნოვოე ვრემია“ სასტიკად
 ჰკიცხავს, შემდეგის ფორმით:

...მთელი ძალა გერმანიულ ჰუმბიდისტების და

საზოგადო მოღვაწეების მიმართულია იქითკენ, რამ
 მთელი სიძულვილი მიმართული იყოს ინგლისელებს
 ბისკენ. ყოფილი ქალაქის თავი ჰოზნანის ვიტინ-
 გი, რომელიც კხლა ერთ-ერთი ბანკის გაკლენიანი
 ხელმძღვანელია შეერთებულ შტატებში, ასე ახსია-
 თებს ამ განწუხებულს, — რომელიც ეკადრება ის-
 ტერიით გადარეულ გოგოს (?) და არა ვომერციის ეფ-
 როსსად: „დმერთა, ჩვენ გვეჯავრება ეს უაძვირ-
 თა და ავსჯათა ხადხი, (ან კლისტლები) რამე უნდა



ანტვერპენი. ცენტრის საღვურო.

სისხლით მორწყულ მთელი დედამიწა. ფრანგებისადმი ჩვენ თანაგრძნობითა ვართ გამსჭვალულნი და სიბრალუღითაც; სიძულვილი რუსებისადმი თანდათან ხელდება. პირიქით, ინგლისელებისადმი სიძულვილი თანდათან იზრდება შეუკავებლად. ინგლისელებს ჩვენ ვებრძოდებით უკანასკნელ ადამიანამდამდე; ჩვენ არ მოვითხოვთ ბოდიშს და არც ერთ ინგლისელს არ დავხოვავთ“. ეს რომ. გაათავა, დარექტორმა დაუმტა, რომ ეს სიტყვები ფანტიკოსისა კი არა, არამედ საზოგადოების დამუდარ მოღვაწისგანაა წარმოთქმული.

არ შეიძლება არ აღინიშნოს, რომ ინგლისელებიც ასევე უმასუხებენ გერმანელებს. ცნობილი რომანისტი უელსი სწერს „ტიმისში“ იმ ხასიათზედ, რომელსაც მიიღებდა ომი, თუ ვინცობაა გერმანელებმა დასტი მოახდინეს ბრიტანიის კუნძულებზედ. ეს წერილით, — ამბობს „ნოვოე ვრემია“ უნდა გადაეტეს ეველს იმ თურისკანსულტებს, რომელნიც ახლანდელ დროში თავს ატეხენ გერმანიზმთან ბრძოლის საკითხს. «თუ საქმე გერმანელების გადმოსხმადე მივიდა, — სწერს უელსი, — ჩვენ ძალიან ცოტა ანგარიშს გაუწევთ თეორეტიკოსებისაგან შეთხზულ წესებს. ჩვენი ბრძოლა გერმანელებთან სამკვდრო-სასიცოცხლო იქნებაო. დეე. ექსპერტები და სპეციალისტები საერთაშორისო უფლებებისა ნუ გვაშინებენ „წესებით“. თუ ეს სპეციალისტები ხელს შეკუბდებიან, ეველს დავხოვავთ, მათ სახელს დავწავთ და გავანიაგებთ, რომ ხელფები გახსნილი გვქმნდეს. ის სისასტიკე, რომელსაც იჩენენ გერმანელები ბეღგიაში ჩვენ

არ გვაშინებს. ეოველ ჩამორჩენილ გერმანულს ჩვენ დავხვრეტავთ, თუნდ ქურდულად მიზარეთა — ათიცრებს ჩამოვადნობთ და ჭარისკაცებს ნაკუწ ნაკუწად ვაქცევთ. ჩვენი ბრძოლა გერმანელებთან, ომი კი არ იქნება, არამედ განუწმენტილი ამოყლატა (Личевание). ასე ამბობენ ინგლისელები და სამწუხაროა, რომ კონტინენტზედ მოიხვედებიან ისეთი თორმდლისტები, — უმატებს „ნოვოე ვრემია“, რომელნიც არ გაიფიქრებენ გერმანულ ძალადობასთან ასეთი ბრძოლის აუცილებლობითა.

ერთ-ერთისადმი სიძულვილი გერმანელებისა და ინგლისელებისა, ეტეობა შეტად სასტიკ თორმდისელებს. საზოგადო აზრი თრ პირველ-ხარისხოვან სახელმწიფოსი ითხოვს სასიკვდილო ბრძოლას, როგორც უელსი ამბობს, და მხოლოდ ერთში სცდებიან გერმანელები — უმატებს „ნოვოე ვრემია“: ტუვილადა ჭკობიათ, რომ არის ან შეიძლება იყოს განსხვავება ერთის მხრით ინგლისელთა და მეორეს მხრით რუსეთ-საფრანგეთის გრძნობათა შორის. გერმანელები იმეორებენ უელსის სიტყვებს, როგორც რაღაც ანაჩვეულებრივს, სასტიკს. ძალიან სამწუხაროა, რომ არ ესმით უბრალო რამ: უელსი ამბობს იმას, რასაც ფიქრობს ეოველი ფრანგი, ბეღგეოელი და რუსი. გერმანელებმა ჩვენ ეველს მოგვაბეზრეს თავი: დახოვავს და სეპარატულ ზავს ისინი ვერსად ედირებინ.

ჩვენ არ ვიცით სად ამოიკითხა „ნოვოე ვრემია“ უელსის სიტყვები, მაგრამ თუნდაც ეს წამოესროლოს ერთ ადამიანს, კაციქამიის ფსიხოლოგიით უნდა იყოს გამსჭვალული ადამიანი, რომ მი-

სი აზრი გაასახოვადოვოს და ქვეყნის ბაზარზედ გამოიტანოს. ინგლისის მთავრობა და პროგრესიული პრესა, რომელიც უკეთესი გამომსახველია ინგლისელთა ხულისკვთებისა - თამამად ამბობს, რომ იგი ებრძვის არა ყოველ გერმანელს და გერმანელ ხალხს, არამედ პრუსიის მილიტარიზმს; იგი ამბობს, რომ გამოდის საერთაშორისო უფლების და კანონების დასაცავად და სწორედ ამით იზიდავს მთელი ქვეყნის სიმპატიას და უფლისს მართლაც ისტერიული

სიტყვები, — თუ კი სადმე დაიწერა, — მარტო „ნოვოე ვრემისთანა“ გარეცხილ რედაქციებში თუ იაზვის გამოძახილს რუსეთშიაც. რუსეთის პროგრესიული პრესა ვერ აპყვება ისეთ გამხეცებულ ძახილს, რომელიც ამბობს „აფიკრებს ჩამოვალჩობთ და ჯარისკაცთ ნაკუწ-ნაკუწად დავგლეჯავთ“ და ტყუილად ახვევს თავის ღვარძლიან გულის ნადებს ბატონი „ნოვოე ვრემია“ რუსეთის მოსახლე 160 მილიონ ხალხსა... მეტს აღარას ვიტყვით.

ოსმალეთის სასომხეთოს ბედი

„კავკ. სლოვო.“-სთან პოლემიკაში, „ჰორიზონი“ ამბობს:

„სომხურმა პრესამ გამოსთქვა ის აზრი, რომ ოსმალეთის სომხებს უნდა მიეცეს ფართო ავტონომია; ქვეყნი სომხური ვილაიეთი და კილიკია უნდა ავტონომიურ მხარედ იყოს აღიარებული. მაგრამ აქ იბადება გაუგებრობა, რამეთუ ისინი არა „კავკ. სლოვო“ ოსმალეთის სასომხეთოს მაგიერ, გასეთა სწერს საზოგადოთ სომხეთის ავტონომიას. „კავკ. სლოვოს“ აზრით, რატორც უნდა ორგანიზაცია შეიქმნეს ოსმალეთის სომხებისათვის, იგი გამოაწვევს მთელ რაგს სკაითებისას კავკასიაში. რითი ხელმძღვანელობს „კავკ. სლოვო“, ამ გვარ საკითხის აღძვრამი, ამ სისხლის წვიმების დროს, რადესაც კავკასიელი სომხები დაინტერესებულნი არიან მხოლოდ ოსმალეთის სასომხეთოთა. სომხები ღანაზაკობენ განსაკუთრებით ოსმალეთის სასომხეთოს ავტონომიას. საკითხს ოსმალეთის სომხებისა, რამეთუ სკაითაშორისო სასიათა აქვს, ჩვენ არას დროს არ უკავშირებთ ჩვენ სახელმწიფოს შანაჯან სკაითებს, მაშასადამე კავკასიელ სომხებს და ღანაზაკი შეუძლებელია. ეს ცხადი უნდა იყოს რუსულ პრესისათვისაც. საკითხი კავკასიელ ერებისა არ უნდა იყოს გადასული იმ დავასთან, რამეთუ სკაით სომხები ოსმალეთს და არავის უფლება არა აქვს აუცილს ერთმანეთში ეს ორი საკითხი, ნამეტნავად იმათ, ვისაც სურს გამოამხვევდეს იყოს ოსმალეთის სომხების სულსკვეთებისა“.

მთელი ეს წერილი ამოღებულია გაზ. „Бакы“-დან № 253. ჩვენ არ გვირდა ეჭვი შევიტანოთ გაზ. „ჰორიზონის“ გულწრფელობაში, ვითომც კავკასიელი სომხები არ კუავშირებენ კავკასიელ ერთა

საკითხს ოსმალეთის სასომხეთოს საკითხს, თუმცა ამისი უტყუარი საბუთები გვაქვს თვით „ჰორიზონისაგან“ ნაბოძები, მაგრამ ვსთქვათ ესეც არის, — ჩვენ უნდა აღვნიშნოთ ორი მნიშვნელოვანი მოვლენა. ჯერ ერთი, „კავკ. სლოვო“ მეტ პოლიტიკურ ლოლიკას იჩენს ვიდრე „ჰორიზონი“, როცა ერთმანეთს აბამს ორ საკითხს: კავკასიელ სომხთა და სხვა ერთა—ერთის მხრით და ოსმალეთის სასომხეთოს საკითხს მეორე მხრით; რადგან შეუძლებელია ეს საკითხები ცალკე იყვნენ განხილულ-დამტკიცებულნი; და მარტო სირაქლემასაგით თავის მალვას ან მართლაც „სისხლის წვიმებას“ თუ შეუძლიან დროებით კავკასიელ სომხთა საკითხი მეორე პლანზედ გადასწიოს ოსმალეთის სასომხეთოსთან შედარებით. ასეთივე უცნაურობამ იჩინა ხომ თავი მაშინ, როდესაც საკითხი აღიძრა გალიციელ უკრაინელების შესახებ. მაშინაც გამოირკვა, რომ გალიციელ უკრაინელებს თუ ავტონომია მიეცათ, ანუ უკეთ—თუ შერჩათ, მაშინ რუსეთის უკრაინელებსაც უნდა მიეცეთ ავტონომია, ვინაიდან შეუძლებელია ერთსა და იმავე სახელმწიფოში ერთი და იგივე ერი ორ სხვა-და-სხვა პოლიტიკურ ორგანიზმს წარმოადგენდეს—ეს სახელმწიფოებრივ მთლიანობის იდეას ძირიანად დაარღვევდა ასევე საკითხი სომხებისა, და ჩვენა ვფიქრობთ, რომ საკითხის გადაწყვეტა კი არა, უბრალო მიფუჩეჩება იქნებოდა „ჰორიზონის“ მიერ განცალკევება ამ ერთი საკითხისა, ვინაიდან, გავიმეორებთ, სახელმწიფო ვერ მოითმენს პოლიტიკურ სიჭრელს და ან ძველ გზას დაადგება, ე. ი. ყველა და ყველგან მოსახლე ერთა ათქვეფას ერთმანეთში, ან ახალს, ე. ი. ფართე თვითმართველობისა და მაშინ კავკასიელ სომხების

საკითხიც ბუნებრივად დაუკავშირდება ოსმალეთის სომხებისას.

შესაძლებელია „კავკ. სლოვოს“ და „ჰორიზონის“ სულსკვეთება არც იყოს შეთანხმებული, რადგან „ჰორიზონი“ სომხეთის მთავარ ბაზას ხედავს ოსმალეთში და იქ ეძიებს უკეთეს პოლიტიკურ ბედსა, მაშინ როდესაც „კავკ. სლოვოს“ კავკასიელი ხელმძღვანელნი მეტად შეგუებულნი არიან კავკასიის სიამტკბილეს, რომ ოსმალეთში გადაიტანონ მთელი თავისი პოლიტიკური მისწრაფებანი. ამ მხრივ „კავკ. სლოვო“ უფრო გულახდილიც არის და უფრო პოლიტიკურად მოაზროვნეც, მხოლოდ ერთს იფიქრებს „კავკ. სლოვო“, რომ იგი „სლოვო“ არის და „დელო“ კი სულ სხვას წარმოშობს ხოლმე.

უცნაური მოწოდება

ქუთათური გაზეთი „ახალი აზრი“ გვატყობინებს, თითქოს ოზურგეთში ვილაცას გავერცელებინოს მოწოდება, ქართველებმა ოსმალებთან მეგობრული განწყობილება უნდა იქონიონ და მათის დახმარებით, ქანებთან და ლაზებთან ერთად, საქართველს დამოუკიდებლობა აღადგინონო.

ჩვენ არ ვიცით იყო მართლა ასეთი ფურცელი თუ არა. არც ის ვიცით, როგორ და რანაირი საშუალებით ვრცელდება იგი ხალხში, ან ვინ არის მისი ავტორი და გამავრცელებელი. მაგრამ ასეთი ფურცელი მართლაც რომ არსებობდეს, იგი ოდნავადაც ვერ შეარყევს იმ საერთო სულიერ განწყობილებას, რომელიც დღიდან ომის გამოცხადებისა ქართველ საზოგადოებაში დამკვიდრდა.

რუსის ჯარს აქვს საკმაო ძალა, რომ ჩვენი ქვეყანა დაიფაროს და დაიცვას ყოველი შემთხვევისაგან.

ეს რწმენა იმდენად დიდია და ერთსულოვანი, რომ ყოველივე ცდა, რაიმე ეჭვი დაჰბადოს ქართველ ხალხში და შეუცვალოს შეხედულება, უნაყოფოდ ჩაივლის.

(„ს გ.“)

ცოცხალი ლექსები

ქართველ ერს დიდათ გვიყვარს წარსულით თავის ქება. ეს საძრახისი არ არის, პირიქით, საქებულიც არის. ან რატომაც არ უნდა ვამაყობდეთ ჩვენი წარსულით, როდესაც იგი დიდებას ჰღაღადებს? მერე ვინ ჰქმნიდა ამ დიდებას? რა თქმა უნდა ქართველი ერი! მერე, ვინ განამტკიცებდა მის რწმენას? ვინ აქვებდა მამულის სიყვარულში? რა თქმა უნდა, ჩვენი სახელოვანი სამღვდლოება, რომელიც არა თუ ერის სულის ჩამდგმელად გამოდიოდა, არამედ იმ საუნჯის შემნახველადაც, რომლითაც დღეს ჩვენ ვამაყობთ, სახელდობრ ჩვენი ისტორიის გადმოცემით. წარმოიდგინეთ შევზნელი ხანა, ხანა აღრევისა და შიშის ზარის, როდესაც ურდოთა შემოსევის დროს ერი გარბოდა მთასა და ღრეში. ვახსენეთ, თუ ამ დროს ჩვენი საბა-ბერნი როგორ მიმოვივლიდნენ მთა და ბარსა, როგორ გაამხნევებდნენ დიდს და პატარას! მაგრამ აი, უფრო საინტერესო სურათი: სადაც მიყრუებულ სენაკში, სადაც მყივარნი, ორბნი და მქუხარე ქარიშხალნი მხეცთა კმუილის კონცერტს შეჰხლართვიან, ვილაც მწირი სასოებით ლოცულობს; მორჩება ლოცვას, კვარს აინთებს და დიდი სიფრთხილით მოჰყვება ან სამღვთო წერილის გადაწერვას, ან და ნახულის აღწერას. აი, მას მელანი შემოაკლდა, იგი კანს იკაწრის, საკუთარის სისხლით განაგრობს წერას. სწორედ ამ დაულალავმა შრომამ, ამ განწირულმა სულსკვეთებამ შეაძლებინა ჩვენს საამაყო მამებს ჩვენთვის ეანდერძებინათ ის აუარებელი ძეგლნი, რომლითაც თვით ბრიტანიის მუზეუმებიც თავს შეიქებდნენ. რამდენი რამ არის დატოვებული! რამდენი რამ იღრღნება რჩილით და უპატრონობით. ვინ არის ამის ყურისმგდებელი, ვინ? იქნებ გგონიათ, რომ ჩვენი სამღვდლოება აქცევს მას ყურადღებას? მაგრამ სად არის! თვითყელი მათგანი ცოცხალ ლეშად გარდაქცეულა, უსაქმოდ მჯდარი, კანცელარიაში თუ შინა, თავისთვის სივდება და ღვება. განა ღირსნი არიან თავიანთ წინაპართა სახელწოდების? აბრეშუმის ანაფორა, ოქროს ჯვარი, აი მათი იდეალი! თუ ძველად სისხლის ცრემლებით სწერდნენ, დღეს მყუდროებაში ოქროს კალმებით მათი გადაწერა და მოვლაც ვერ მოუხერხებიათ. თუ ძველად მამები ხმლითა და ჯვარით ერს მიუძღოდნენ წინ და ჯალათთა წინაშე არა

კროტონენ, დღეს ჩვენი მამები პოლიტიკურ ზამთრის სუსხის დროს გაზაფხულს ელიან და გაზაფხულიდან კვალად ზამთარს, მაშინ ამოვიღებთ ხმას, ეხლა არა გვცალიანო! რუსი ბიუროკრატი ნ. დურნოვო ამაოდ ამტკრევს სიფხიზლის კაკალს, ამაოდ მოუწოდებს ჩვენს სამღვდლოებს თვით ისეთ კანონიერ მოთხოვნებიანთაგან, როგორც არის საქართველოს ეკლესიის ავტოკეფალია, მაგრამ... იგივე ძილი... იგივე სიციხილითვე ლაპა... სიღამბლე! მაშ რის მაქნისია დღევანდელი სამღვდლოება? რაში იჩენენ შრომის უნარს? არც ერთი მხარე ჩვენი ცხოვრებისა მათ არ აინტერესებთ,

ისინი სულიერად დაიხოცნენ! თუ გამოვაკლებთ ებ. კირონს, დავითს, ლეონიდეს, დეკანოზ კ. კეკელიძეს რომელიც ათას თანამდებობასაც უძღვება და სამეცნიეროდ თავის ძალ-ღონეს არ იშურებს, მაშინ დავინახავთ, რომ ჩვენი სამღვდლოება გროშად არა ღირს, არც ერთ ფარად! მათი მისია უღარდებლობისა და სიმსუქნის მიღწევაში გამოიხატა. მათ მიღწიეს მიზანს და სწორედ ამ მიზნის მიღწევამ გარდაჰქმნა ცოცხალ ლეშებად.

ქართლელი.

მასალები სამეკლიორაციო კრებისათვის

(დამატება)

რომანოვის ფონდის კანონ-პროექტის უკეთესად გასაცნობად, ჩვენ საქორდ ვსთვლით გავაცნოთ მკითხველებს ზოგიერთი სხვა კანონ-პროექტები, რომელთაც რამოდენიმედ დამოკიდებულება აქვთ სწავროდ რუსეთის სამეკლიორაციო საქმეებთან.

მოყოლებული 1909 წლიდან, ვიდრე 1914-დღე სამეკლიორაციო კრებებზედ იყო განხილული მთელი რიგი საკითხებისა, რასაც განსაზღვრული დადგენილება მოჰყვა.

რუსეთის სამეკლიორაციო კრების საბჭომ შემდეგში თავი მოუყარა ყველა ამ დადგენილებათ, განხილულ საკითხებიდან გამოარკვია საქმის ვითარება და გამოიტანა თავისი დასკვნანი; მთელი მასალა გამოსცა ხუთ წიგნაკად, რომლებშიაც მოქცეულია საკითხები: საორგანიზაციო, სამოსწავლო, სამეცნიერო და საფინანსო; ყოველი ამათაგანი ცალ-ცალკე.

აქ მოგვყავს რამდენიმე ნიმუში ამ კრების საბჭოს გადაწყვეტილებისა.

1) მიწის გასაუმჯობესებელი ამხანაგობანი. მიწათ-მოქმედების და მიწათ-მოწყობის უწყებამ შეიმუშავა კანონ-პროექტი მიწის გასაუმჯობესებელ ამხანაგობათა, რომელიც ეყარება შემდეგ პირობებზედ. ამხანაგობას შეადგენს რამდენიმე პირი, რომელნიც შეიმუშავებენ წესდებს და წარუდგენენ გუბერნატორს დასამტკიცებლად. ნიმუში ასეთის

წესდებისა უკვე შემუშავებულია მიწათ-მოწყობ უწყებისაგან.

ახლად შემდგარ ამხანაგობათ შეუძლიანთ შეიტანონ ასეთ წესდებაში შეცვლა ფსონის (პის) რაოდენობისა და გასავალის მოწესრიგების შესახებ. ასეთი ცვლილება შეუძლიან შეიტანონ წესდებაში ამხანაგობამ თუ მსურველია ამხანაგობის შემადგენელობის ორი შესამედი ან ორ შესამედზედ მეტი.

როდესაც ამხანაგობა გააუმჯობესებს რომელიმე წევრთაგანის მიწას ან გასწევს რაიმე ხარჯს მისთვის, შეუძლიან აგრედვე ასწიონ ან დასწიონ გადასახადი წევრისა იმისდა მიხედვით თუ რამდენად სარგებლობს იმ საქმით, რომელიც გააკეთა ამხანაგობამ, ან თუ სარგებლობს რამდენიმე წევრი მაშინ ამ წევრებს დააკისრებს გადასახადს სარგებლობისა დაგვარად.

თუ ამხანაგობამ თავისი მოქმედებით ასარგებლა და მიწა გააუმჯობესა ისეთ პირსაც, რომელიც ამხანაგობაში არ არის და არცა ჰსურს ამხანაგად შესვლა, მაშინ ამხანაგობას შეუძლიან კანონით მოითხოვონ ამნაირი პირისაგან მისი შესაფერისი გადასახადი. თუ ამხანაგობის საქმე მოითხოვს თავის მოქმედებას ისეთი პირის მიწაზედაც, რომელიც არ არის წევრი ამხანაგობისა და წინაც აღუდგა ამხანაგობას საქმის განხორციელებაში, ამ შემთხვევაშიაც ამხანაგობამ უნდა სამართლით მოითხოვოს წინააღმდეგ პირისაგან თანხმობა,

ყოველი ამგვარი მოთხოვნილება ამხანაგობათა კერძო პირებისადმი უნდა იყოს მიმართული სამაზრო კომისიაში სასოფლო მეურნეობის წესდების მე-160 მუხლის ძალით.

წევრი რომ გამოვიდეს ამხანაგობიდან საჭიროა თანხმობა მის გასელოზედ ამხანაგობის შემაღგენლობის ორი მესამედისა ან მეტისა.

ამხანაგობა შეიძლება მოისპოს მხოლოდ მისი ყველა წევრის სურვილით.

2) სამელიორაციო მოქმედება საერთო ხასიათისა.

მიწათ-მომწყობ უწყებასავე აქვს შემუშავებული კანონ-პროექტი მიწის გაუმჯობესებისა და გაუმჯობესებულ მიწის გაფუჭებისაგან გადარჩენისა, როდესაც ამ საქმეს ეწევა არა კერძო პირი ან საზოგადოება, არამედ ერობა ან მმართველობა.

ამ კანონ-პროექტის მთავარი დებულებანი შემდეგია.

თუ ერობას ან მმართველობას სწადიან შეიტანოს რამე გაუმჯობესება მამულში, ან გაუმჯობესებულ მამულის შენახვაზედ ზრუნვა საერთო სარგებლობისადა მიხედვით, მაშინ ურთიერთ თანხმობით ამართავენ ერთად კრებას, რომელზედაც განიხილავენ საქმის ტეხნიკურ მხარეს, სამოქმედო მამულის რაოდენობას და ხარჯის გაღების რაოდენობას.

შესაფერისი საქმის გამორკვევა ასეთის პროექტის შესადგენად ხდება თანახმად სასოფლო მეურნეობის წესდების მე-264 მუხლისა. (კანონ. კრებული, ტომი III, ნაწ. მე-2, 1903 წლ. გამოც.).

როდესაც ტეხნიკურ პროექტს შეადგენენ ასეთ საქმისათვის საერობოან სამმართველო დაწესებულებანი, შემდეგში შეიმუშავებენ წინასწარ ხარჯთაღრიცხვას, თუ ვინ რამდენი ხარჯი გასწიოს: ერობამ, ხაზინამ და კერძო პირებმა და აცნობებენ ამას იმ დაწესებულებებს და იმ პირთ, ვისაც საქმე შეეხება.

დასასრულ, ხარჯის განაწილებისა სანელიორაციო საქმისთვის, რომელსაც საერთო სარგებლობა მოაქვს, ხარჯს გადაიხდიან: ა) ხაზინისას—მთავარი სამმართველო მიწათ-მომწყობისა და მიწათ-მოქმედებისა, ბ) ერობისას—საერობო კრებები თვისი დამტკიცებით და გ) კერძო პირებისა—თვით კერძო პირნი. თუ კერძო პირთ უარი განაცხადეს ხარჯის გაღებაზედ, მაშინ მათს წინააღმდეგ იწარმოებს ზემოდ დასახელებული მე-260 მუხლი სასოფლო მეურნეო-

ბის წესდებისა სამაზრო კომისიის საშუალებით.

როდესაც პროექტი შემუშავდება თვისის ტეხნიკურის მხარით და დამტკიცდება მიწათ-მომწყობ მთავარ სამმართველოსაგან, მაშინ საქმის დაწყება დაწესებულება, ერობა იქნება ის თუ მმართველობა, მიმართავს კერძო პირთ, რათა იგინი შეუდგენენ საქმეს ან ცალკ-ცალკე, ან კიდევ ერთად როგორც საზოგადოება.

მკვიდრი.

გერმანელთა ოცნებანი

მას შემდეგ, რაც ომის დემერტმა ევროპის სახელმწიფოთა ზარბაზნების კონცერტი დააგუგუნა, სიკვდილის ლანდმა წამოჰყო თავი და შემზარადი სახით თავზე დაჰხარხარებს არა თუ პატარ-პატარა ერებს, არამედ თვით პირველ ხარისხოვან სახელმწიფოებსაც კი. განსაკუთრებით სიმკაცრემ თავი იჩინა გერმანიისა და ინგლისის შუა: „ან ერთი, ან მეორე!“ აი ის დამახასიათებელი სათაური, რომელიც დაერქვა მათ წინ გადაშლილ ომის ველსა.

რატომ მოხდა, რომ უმთავრესად ეს ორი სამეფო შეეჯახა? რა იყო ამის მიზეზი? ნუ თუ მართო გერმანელების მიერ ბელგიელთა ნეიტრალიტეტის დარღვევა? რა თქმა უნდა, არა! ამაზედ ორთავეს თავ-თავიანთი გასამართლებელი საბუთები აქვთ: უმთავრესად მეტოქეობა! ინგლისი ზღვათა-დედოფლად ითვლება. მთელი საზღვაო ვაჭრობა მის ხელთ იყო. აღმოსავლეთი, დასავლეთი თუ ჩრდილო ამერიკა ვაჭრობის მთავარი ასპარეზი იყო, სადაც მისი აფრა-გაშლილი ხომალდები დასცურავდნენ. მაგრამ დადგა დრო. ბისმარკის მიერ გაერთიანებულმა გერმანიამ წელი გაიმაგრა. მისი ზრდა დღით-დღე საოკარო სახეს იღებდა. შინა მრეწველობა, გარედ კიდევ ხელის გაშლა და ნელ-ნელა ახალ-ახალი ხომალდების აგება, რა თქმა უნდა, შეუმჩნეველი არ რჩებოდა ინგლისს, შურის ძიება ისადგურებდა მის გულში, რომ მოხერხებული მომენტი შეერჩია და აღრევე ფრთები დაეკრეფანებინა ტევტონთა ველურ გენიოსობით მოსაზრლოვე თანამედროვე გერმანიისთვის.

მაგრამ თუ ფრთხილი ზღვის დედოფალი ამ ფიქრებში იყო, თავის მხრით, წათამამებული გერმანიაც ოცნების ფრთებსა შლიდა, გულში თავის მომავალ ბედს ნეტარებით შეჰხაროდა, უკვე შარავანდელით მოსილ მომავალ გერმანიის იმპერიას ბროლის კოშკებად აშენებდა და ხალხსაც ამ სანეტარო დღისთვის ამზადებდა. რაში გამოიხატა ეს სამზადისი? ან რატომ ვერაფერ ამჩნევდა მას? ამ კითხვებზე რომ ვუპასუხოთ, საკმარისია ოდნავი თვალი გადავავლოთ დღევანდელ ომის გამო თვალგახელილ პრესას, რომელიც ფარდასა ჰხდის გერმანელთა უკანასკნელ ხანებში გამოსულ ლიტერატურას, სადაც ნათლად სჩანს მათი ზრახვანი, მათი ოცნებანი. სანიმუშოდ თვალი გადავავლოთ ჟურნალ-გაზეთებში გაბნეულ ანგარიშებს გერმანელთა კაზმულ ლიტერატურაზე: ჯერ კიდევ ომის დაწყებამდე გერმანიაში გამოსულა ერთი რომანი: „მომავლის ომი“, სადაც ინგლისსა და გერმანიის შორის ომის შესაძლებლობაზე ლაპარაკობენ. მართალია, რომანში ინგლისელები პირველნი გადმოდინან გერმანელთა ტერიტორიაზე, მაგრამ საბოლოოდ ეს უკანასკნელნი იმარჯვებენ. არის მეორე რომანი, სადაც აწერილია ომი, რომელიც ვითომც 2006 წ. მოხდებოდა, ე. ი. ტეხნიკის საოცარ განვითარების დროს. 1905 წ. რომანისტს ნიშანს დაუწერია მოთხრობა „გერმანელის ოცნება“, სადაც თითქმის აღშფოთებით აღნიშნავს ინგლისის საზღვაო ბატონობას, რომელიც მალე მთელს მსოფლიოს ხელში ჩაიგდებოდა. აქ ავტორი გადაჭრით აღნიშნავს, რომ ამ გვარ ბატონის თავიდან მოსაცილებლად საჭიროა გერმანია და რუსეთი შეერთდეს.

განსაკუთრებით ყურადღების ღირსია ერთი ეპიზოდის აღწერა, სახელდობრ გერმანელთა ჯარების გადასხმა ინგლისში: გერმანელთა ჯავშნოსნები ნელნელ უახლოვდებიან შოტლანდიის ნაპირებს. „ვილჰელმ-დამპყრობელიდან არც ერთმა უძლიერესმა მტერმა ინგლისისამ, თვით ფილიპე II-მ და ნაპოლეონმაც კი ვერ მოახერხეს ინგლისის მიწაზე ჯარი გადაეყვანათ. ნუ თუ გერმანია კი მოახერხებს?“ შემდეგ აწერილია, თუ წყალ-ქვეშა ნავებით

როგორ გადადიან ედინბურგ-კესტილის ნაპირებზე და აქედან მიეშურებიან ლონდონისკენ. ნაპირზე გერმანიის ფლოტი ჰყარაულობს, რომელიც ინგლისისა და ამარცხებს და ომსაც ბოლო მოეღება. ინგლისი გერმანიის ახალშენადა ხდება.

ამ გამარჯვებით დამთვრალი მხედართმთავარი სიამოვნებით ივსება, თვალები უბრწყინავს: „დღევანდელი დღე დიდებული დღეა, — ამბობს იგი: დღეს მათი დიდებულება ჩვენი იმპერატორი ლონდონში შებრძანდება. ღმერთმან ინებოს, რომ ეს იყოს უკანასკნელი ომი მომავალ გერმანიის საბედნიეროდ!“

ასეთი ოცნებით იკვებებოდა თანამედროვე გერმანია. ვ. ფრიჩეს მოწმობით, ეს რომანი თითქმის ახალგაზღობის სახელმძღვანელო წიგნად გარდაიქცა. ახალგაზრდათა იმედები თავბრუ დამსხმელ სიამაყემდე გადადიოდა და მოუთმენლად ელოდა სანატრელ დროს. ამ უამაც დაჰკრა. ომის ნაწინათი აღზრდილი ახალგაზღობა ხშილსა და მუხარადს იკრავს და ინგლისის დამარცხების იქით მთელ ქვეყნის დაპყრობაზე ოცნებობს...

დიოგენი.

ბაღკანეთის საკითხი

სამთა შეთანხმების დიპლომატიები, რაც ძალი და ღონე აქვთ, ცდილობენ ბულგარეთი და სერბია ერთმანეთს დაუახლოვონ. მაგრამ, როგორც გადმოგვცემენ, დინტერესებული მხარეები ვერ ურიგდებიან ერთმანეთს.

ბულგარეთის პასუხისმგებელი დიპლომატი, რომელიც ამ მოკლე ხანში სოფიაში მოვიდა და ძალიან კარგად იცნობს ბულგარეთის მთავრობის სურვილებს, ამბობს:

„სანამ ბუქარესტის ხელშეკრულება არსებობს, ბულგარეთისა და სერბიის დაახლოებაზე დაპარაკად არ შეიძლება. იუქარად არ შეიძლება იმაზე, რამ ბულგარეთსა სერბიას მიუშველას, სანამ ძველად-

მანვე ბულგარეთის კუთხილი მაკედონია სერბიას ეჭირება. ბულგარეთის საზოგადოებრივი აზრი, ბულგარეთის პოლიტიკური მოღვაწენი დამოუკიდებლად, მარტიულ განსხვავების, მთელი ბულგარეთის ხალხი, სულ იმას დადებებს, რომ ბულგარეთს ჯერ უნდა მაკედონია დაუბრუნდესო. მართალია, ესაა იმას ჩაგვირუნებენ, თქვენი ეროვნული საკითხი მაკედონიით არ განისაზღვრება, თქვენ უნდა იზრუნოთ ბალკანეთის მთარე თმის დროს წართმეული ფრანკია ადრიანოპოლიანთ დაიბრუნოთო; ცდილობენ ბულგარეთის სურვილები ამ მხარისაკენ მიმართონ, მაგრამ ბულგარელები ფიქრობენ, ადრიანოპოლი ბელოს და ბოლოს უიმიანდაც ისევე ჩვენ დაგვრებათ. იქნება, ბულგარეთისათვის არც კი არის თმი საჭიროა, რომ ადრიანოპოლი დაიბრუნოს. იქნება, თუმცა ჯერ არ არის დამტკიცებული, ოსმალეთი დასთანხმდეს კიდევ და უდავიანადობად გადმოგვეს ადრიანოპოლი, თუ კი ბოლგარია ნეიტრალიტეტს დაიცავს. მაგრამ ამასე დაზარაკი მერმე; ამ საათს მორიგ საკითხად ეს არ ითვლება. მე სხვა გარემოება მდებარებს. რუსეთის საზოგადოებრივი აზრი, ზრესასა და მთავარ დიპლომატებს შორის, — არათფიციტაღურად, — ბულგარეთს ათასნაირ მითხვანილებათ უუჩებენ წინ და ამასთანავე დაზარაკობენ რადაც ძლიან გამოურკვეველ, ბუნდოვან კომპლესაციებზე. როგორც სჩანს, მარტო სერბიამა და სბერძენთმა გამანახეს სრულიად რეალური, კონკრეტული წინადადება. ხომ მისცეს სბერძენთს ეპირანს დაჭერის ნება, ხომ სერბიასაც დაჭვირდნენ, ბოსნიას, ჰერცეგოვინას, დაღმაცინს და კიდევ სხვა რაიმეს მიიღებთ. ახას დაჭვირდნენ ბულგარეთს, რისთვის უნდა იხსნას ბულგარეთმა მისთვის საზაზდარი სერბია, — სერბია, რომელიც არ დაკმაყოფილდა მაკედონიის წართმევით და, — როგორც დანამდვილებათ ვიცი კიდევ, — სავით შეეკრა სბერძენთს და რუმინიას ბულგარეთის წინადადება? არა, ბულგარეთი სერბიას გადასარჩენად არ გაემზადება, ვერ გაბედავს დონკისოტურ წამოსახამის მოკლებას და ახალ ავანტიურას არ გამოეკიდება. ბულგარეთის წინ კონკრეტული მიზანი დგას, კონკრეტული საკითხი, რომლის მიღწევასაც ეტდება. თავის დღეში არ უნდა დაევიწყეთ, რომ ბულგარეთი უმაკედონიით ვერ იარსებებს. ეს ალფა და თმეკა ჩვენი პოლიტიკური საკითხებისა და ჩვენ ერთნულ ზრანვითა. მე არ ვამბობ, — სთქვა ბოლოს დიპლომატმა, — რომ კომპრომისება სრულიად შეუძლებელი იქნას,

მაგრამ თუ იქნება, ისიც მხოლოდ ამ ნიადაგზე და ისიც ისეთი, რომელიც ბულგარეთის სურვილებს კონიათა და იმტებით არ განსაზღვრავს. ეს ბულგარეთის არ დაკმაყოფილებს, ამასე ბულგარეთი არ დაჭეება“. („რუს. ვაღ.“)

ჩვენი დაჭრილები

თბილისში ხმა გავრცელდა, რომ ქართველ დაჭრილებს ჩრდილოეთ კავკასიის ქალაქებში ჰგზავნიან: არმავირში, პიატიგორსკში, კავკაზში და სხვა ქალაქებში.

ვერ წარმოგვიდგენია, რომ საქართველოს სატახტო ქალაქში ქართველ დაჭრილებისათვის აღვლილი არ ყოფილიყოს.

მით უფრო, რომ ყველა სხვებისათვის ასეთი აღვლილები მრავალია.

რით ავხსნათ ასეთი მოვლენა, როდესაც ქართველ დაჭრილებს სამშობლოს ამორებენ?

ან უნდა ავხსნათ ჩვენი ქართველობის დაუღვერობით ან და როგორც ხმები ქალაქში დადის ტენდენციურ ამორჩევით:

სომხებს აქ არჩუნებენ, ქართველებს კი იქ ჰგზავნიან.

თუ მართლა ასეა... ვწუხვართ...

ჩვენი წარმოდგენით თბილისის ყველა ლაზარეთები ყველა ეროვნებისათვის საერთო უნდა იყოს...

არ უნდა იყოს ქართული, სომხური და რუსული ლაზარეთები, არამედ ლაზარეთები ყველა დაჭრილთათვის.

სადაც სომხის სისხლი იღვრება იქ არა ნაკლებ ქართველ ერისაც და რუსებისაც იღვრება...

მაგრამ ვიმედოვნებთ, რომ ეს უცნაური ხმები არ არის მართალი და ქართველ დაჭრილ მემართაც თბილისის ლაზარეთებში საკმაო საწოდლებს დაუთმობენ და წესიერად მოუვლიან ავადმყოფებსაც.

ნაცარა.

რედაქტორ-გამომცემელი

რ. გაბაშვილი.

მიიღება ხელის მოწერა 1914 წ.

ყოველ კვირულ საზოგადო-ეკონომიურ

და სალიბერატურო შუხნალ

„კლდე“-ზედ.

ფასი წლის ბოლომდის თითოშეტი შაუნი

ცალკე ნომერი ყველგან 10 კაპ.

მოკითხეთ ყველა მეგასეთესთან

თბილისში გ ა ს ე თ ი

„ახალი ქართლი“

გამოდის ქ გორში, კვირაში ორჯეჯ—ხუთშაბათობით და

კვირაობით. ცალკე ნომერი ღირს ერთი შაური. დაკვეთით წლის დამლევამდე 80 კაპ. ხელის მოწერა მიიღება: ივ. ავალიშვილთან, წერა-კითხვის გამავრცელებელ საზოგადოების მაღაზიაში და გაზეთის თბილისელ აგენტთან ვიქ. მექანარიშვილთან, დოშეთის ქუჩა № 31.